

**Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa pillugu Inatsisartut inatsisaat**  
(Aningaasaqarnermut Akileraartarnermullu Naalakkersuisoq)

**Akissuteqaat**

(Aningaasaqarnermut Akileraartarnermullu Naalakkersuisoq)

**Aappassaaneerinnineq**

Naalakkersuisut Aningaasaqarnermut Akileraartarnermullu Ataatsimiititaliap manna siunnersuummik peqqissaartumik suliarinninnera qujassutigaat.

Naalakkersuisut Ataatsimiititaliami amerlanerussuteqartut/ataatsimiititaliaq isumaqatigiilluni siunnersuut tapersersoraat paasivaat.

§ 12, imm. 1-imi oqaaseqaatigiit aappaanni oqaatsip ”nalinginnaasumik” ilanngunneqarneranut tunngatillugu, malittarisassap ileqqorineqartunut naapertuunnerulernissaa siunertarinqartoq paasissutissiissutigissavara. Maannakkut ilimagineqarsinnaasutullu aamma siunissami, oqaasertaliussat ilaat (toqqaannartumik) aningaasaliissutit aqunneqarneranni ilapittuutaasanginnerat pisarpoq pisarumaarlunilu. Siunnersuummut nassuiaammi oqaatigineqartutut, aalajangersagaq sukannersumik aqunneqassaaq, taamaalilluni aatsaat immikkorluinnaq pisoqartillugu aningaasanut inatsimmi aningaasaliinermik aqutsinermut ilapittuutaasunik toqqaannartumik siunertaqanngitsunik ivertitsinermut periarfissaq ammaanpeqarluni.

Kommunit immikkoortunut pilersaarutaannut tunngatillugu, kommunit immikkoortunut pilersaarutiniq suliaqarnissamik peqquneqarnerannik malitseqartumik nalunaarusiaasinnaasumik piareersaasiornermi, kommunit qanimut akuutinneqarnissaat siunertaavoq. Sulineq kommuninut suliaqarnerulernermik kinguneqassasoq paasinarsippat, tassunga aningaasartuutaanerusinnaasut kommuninut ataatsimoortumik tapiissutinik isumaqatiginninniarnernut atatillugu ilanngunneqarnissaat naapertuutissaq.

Naalakkersuisut allannguutissatut siunnersuummik, Inatsisartut kommuninik aningaasartuutaanerusussanik annertuunik peqqusinermi, kommunit inatsimmi § 2, imm. 2, nr. 2 malillugu ilanngaaseereerluni siuariarnermik atuisinnaanermik periarfissaannik annikillisaasumik pisoqarsinnaaneranik pinaveersimatitsinissamik siunertaqartumik saqqummiussippat. Siunnersuut kommunit nammineerlutik inatsisit sinaakkusiussaasa iluanni nammineerlutik aningaasaqarnerminnik pilersaarusiorsinnaaneranik periarfissamik ikorfartuivoq. Tamatuma saniatigut siunnersuut tassungalu nassuiaatit innersuussutigissavakka.

Taama oqaaseqarlunga allannguutissatut siunnersuutip akuerineqarnissaa inassutigaaara.